

Vodiylarni yayov kezganda



Farg'ona qadimdan sayyohlar e'tiborini jalb qiluvchi sir-u sinoatga boy. Sayyohlar oqimini ko'paytirish uchun hududda zamonaviy targ'ibot usullaridan ham keng foydalanilyapti. Bu borada turfa yangiliklarga qo'l urilmoqda. Xususan, Prezidentimizning Farg'ona viloyatiga tashrif davomida sayyohlikka oid yangi loyihalar taqdimot qilindi. Ular hududning jozibasini yanada oshiradi. Jumladan, Farg'ona turizm halqasini yaratishga oid konsepsiya mahalliy va xorijlik sayyohlarga zamonaviy imkoniyatlar taqdim etadi.

“ENDI QISHLOG'IMIZGA VERTOLYOT QO'NADI!”

Farg'ona turizmidagi yangi qadamlar

— O'tgan yili viloyatimizga 430 ming xorijlik sayyoh keldi, — deydi Farg'ona viloyati turizm boshqarmasi boshlig'i o'rinbosari Muzaffar Temirov. — Biroq qadim tarixga, so'lim tabiatiga ega hudud uchun bu ko'rsatkich yetarli emas. Farg'ona turizm halqasidan maqsad xorijiy va mahalliy sayyohlarning viloyatda qolish muddatini 3 kundan 7 kungacha uzaytirish, tashrif obyektlari sonini 2 barobar oshirishdir. Buning uchun Farg'ona, Oltiariq, Quva, Uchko'priq tumanlaridagi diqqatga sazovor joylar turizm yo'nalishiga kiritiladi. Umuman, halqada 577 ta maskan bo'ladi, 50 dan ortiq savdo-xizmat ko'rsatish turi taqdim etiladi.

Tepa qo'rg'on arxeologiya yodgorligi Qo'qonning qadimiy asosidir. Shu bois, shaharning yoshi ushbu yodgorlikni ilmiy tadqiq qilish orqali aniqlangan. Bunday qadimiy maskanlar sayyohlarni qiziqtirishi shubhasiz.

— Davlatimiz rahbari mazkur arxeologik yodgorlikni rekonstruksiya va konservatsiya qilish tashabbusini bildirdi. U kelajakda “ochiq osmon ostidagi muzey”ga aylantiriladi, — deydi Qo'qon universiteti rektori, professor Sherzod Mustafogulov. — Qo'qon tarixda nafaqat yirik shahar, balki kichik davlat poytaxti bo'lgan. U haqida ko'plab tarixiy manbalarda yozilgan. Qo'qon xarobaga aylangach, uzoq yillar qabriston bo'lgan. Bu yerda ko'plab alloma, adib va mudarrislar dafn etilgan. Ushbu yodgorlik 2019-yilda moddiy madaniy meros obyektlari milliy ro'yxatiga kiritilgan. 2022-yili arxeologik qazuv ishlari natijasida yodgorlik arkini tuzilishi aniqlangan.

Prezidentimiz ziyorat xayrli ish, millat tarixini ziyorat qilish esa yanada ulug' ne'mat ekanini ta'kidlagani bejiz emas. Zero, ushbu qadimiy obyekt bilan bog'liq ko'plab tarixiy sanalar yodga olinadi. Yodgorliklar aks etadi. Shu tariqa ochiq muzey bizni bevosita ko'ha Ho'qand ko'chalariga, o'tmishning sirli bag'riga chorlaydi. Bu yosh va talabchan avlodning qiziqishini yanada oshiradi. Loyihani amalga oshirish uchun xorijlik mutaxassislar bilan hamkorlik qilinadi. Zamonaviy texnologik imkoniyatlardan foydalaniladi.

Sayyohlar mingan “Qo'qon arava” hamisha yo'lda...

Qo'qon — Farg'ona katta magistralining shundoq yoqasida Katta kenagas qishlog'i bor. Qishloq bekati tin olib, anhor bo'yida



“Yangi O'zbekiston” va “Правда Востока” gazetalarini tahririyati DM

MUASSIS: O'zbekiston Respublikasi Vazirlar Mahkamasi

Bosh muharrir: Salim DONIYOROV


Tahririyatga kelgan qo'lyozmalar taqrib qilinmaydi va muallifga qaytarilmaydi. Gazetaning yetkazib berilishi uchun obunani rasmiylashtirgan tashkilot javobgar. Gazeta tahririyat kompyuter markazida sahilalandi. Gazetaning poligrafik jihatdan sifalini chop etilishiga “Kolorpak” MCHJ mas'ul.

O'zbekiston Respublikasi Prezidenti Administratsiyasi huzuridagi Axborot va ommaviy kommunikatsiyalar agentligi tomonidan 2020-yil 13-yanvarda 1047-raqam bilan ro'yxatga olingan. NASHR INDEKSI — 236. Buyurtma — 2533. 42368 nusxada bosildi. Hajmi — 3 taboq. Ofset usulida bosilgan. Qog'oz bichimi A2. Bahosi kelishilgan narxda.

Navbatchi muharrir: Iroda Toshmatova Musahhirlar: Malohat Mingboyeva Dizayner: Zafar Ro'ziyev

Manzilimiz: 100060, Toshkent shahri, Shahrisabz ko'chasi, 85-uy

O'zA yakuni — 00:01 Topshirildi — 01:55



Shu bilan birga, xorijlik va mahalliy mehmonlar uchun qishlog'imiz bo'yab “Qo'qon aravada sayr” yo'nalishini tashkil qildi.

Yosh hunarmandlar ishini kuzatish chog'ida ko'rgazmaga qo'yilgan suratlar va ma'lumotlarga ham nazar tashladik.

— Shahrimizning bugungi ko'rinishi bir paytning o'zida sharqona latofat, zamonaviy shaharsozlik va landschaft arxitekturasini an'analarini o'zaro uyg'unlashtirgan, — deydi viloyat hokimi o'rinbosari Hojiqo'zi Isoqov. — Farg'ona shaharining janubiy sarhadlariga tutash, yaqin yillargacha bir yil uchun, tosh-shag'aldan iborat dashtda boshlangan ekoshahar — “Yangi O'zbekiston” massivi qurilishining birinchi bosqichi yakuniga yetdi. Umumiy maydoni 300 gektar yangi shaharda bugun 2800 xonadondan iborat 75 ta ko'p qavatli uy qurib bitkazildi. Yil oxiriga qadar yana 1500 xonadonga ega 25 ta 12 qavatli uy-joy qurish rejalashtirilgan.

Ayni paytda xitoylik investorlar tomonidan qiymati 25 million dollar bo'lgan, Farg'ona vodiysida yagona 30 qavatli muhtasham majmua qurilishi boshlangan. “ECO TOWER” binosidan mehmonxona, turar joy, savdo va ko'ngilochar majmualar o'rin oladi. Shuningdek, yaponiyalik investorlar tashabbusi bilan 3 gektar maydonda yapon bog'i va mehmonxonasi, bir gektar maydonda zamonaviy tibbiyot klinikasi qurilyapti. Shveysariyaning “RABAT” kompaniyasi tomonidan esa 4,5 gektar maydonda zamonaviy savdo kompleksi barpo etiladi.

— Nabiralirimni yetaklab, hamma maqtayotgan manzaralarni ko'rish uchun ekoshaharaga keldik, — deydi Farg'ona davlat universiteti dotsenti, shoira Muqaddam Husanova. — Bejiz maqtashmagan ekan, xuddi dengiz bo'yida yurgandekman.

Ekoshahar loyihasi mamlakatimizda o'xshashi yo'q — noyob va mukammal yondashuv asosida amalga oshirilmoqda. Shaharcha loyihasini ishlab chiqishda ekologik toza, “yashil” iqtisodiyotga asoslangan innovatsion g'oyalari va texnologiyalardan foydalanishga e'tibor qaratilgan. Bu yerdagi har bir uyda energiyatejamkor texnologiyalar o'rnatilgan.

Yangi dahaning ob-havosi, muhiti, odamlari o'zgaradi. Xuddi kelajakdagi afsonaviy shaharlardan biriga kelib qolganga o'xshaysiz. Ayni kunlarda havoni mo'tadilashirish, suv bilan muntazam ta'minlash maqsadida umumiy uzunligi 11 kilometrlik kanal qurilishi yakuniga yetgan. Suv resurslaridan unumli foydalanish



Tarixchilar qo'qonaravaning tezligi boshqa mahalliy aravalar tezligidan bir yarim barobar ziyod, muvozanat saqlash imkoniyati yuqori bo'lganini yozadi. O'tmishda ko'chalarni juda ko'p ariqlar kesib o'tgan, bu arava esa yo'lining qaltis joylarida ag'ranab ketmaydi. Qo'qonarava odam sakrab o'ta oladigan ko'priksiz ariqlardan o'tish imkoniyatiga ega. Qo'qonda yer osti suvi yer sathiga yaqin bo'lgani uchun kuz, qish, bahorda yog'in-sochin yerga yaxshi singmay, ko'chalarda loyqachilik uzoq davom etgan. Qo'qonarava loyga botib qolmagan. Shunday bo'lgan taqdirda ham uni loydan chiqarib olish oson kechgan. Boz ustiga arava daryolarning kechuv joylaridan ham oson o'tgan.

“Yangi O'zbekiston” bog'iga qildim yurish...

Muqimiy tarix qaridan kelib, Farg'ona shahri bo'yab sayr qilsa, albatta, “Yangi O'zbekiston” bog'iga borgan, shaharning o'ziga xos yangi timsolidan hayratlangan bo'lardi...



uchun ariqlar betonlashtirildi. Daraxt va yashil maydonlarda yomg'irlatib, tomchilatib sug'orish tizimlari o'rnatilgan. Hududga o'ziga xos tarovat, fayz berib turuvchi sun'iy ko'l va zamonaviy favvoralarni ta'rifi shart emas. Yaxshisi, yozning jazirama kunlari ekoshaharaga borib, rohatlanang!

Tog'lar bag'ridagi so'lim qishloq

O'sha mashhur “Suyunchi” filmi esingizdami? Anzirat buvi vertolyotda tog'lar orasidagi o'zi yashaydigan qishloqqa qaytadi. Uni ko'rgan hamqishlog'i Xolmat buva



hayratlanib: “Anziraat! Yo alhazar! Mana shu vertolyotda sen keldingmi? Mana shu vertolyotda-ya... Bizning qishlog'imizga-ya!”, deydi.

Hademay Shohimardon va Yordon qishlog'idagi yurdoshlarimiz ham Xolmat buva kabi hayratlanib, qishloq o'rtasiga kelib qo'ngan vertolyotdan tushayotgan sayyohlar mehmonlarga shunday savol bersa, ajab emas.

— Davlatimiz rahbari Farg'onaga tashrif doirasida Quva tumanida yig'ilish o'tkazdi. Unda sayyohlarga qulaylik yaratish uchun Shohimardon va Yordon qishloqlariga vertolyot parvozini yo'lga qo'yish bo'yicha topshiriq berdi, — deydi “Shohimardon” mahalla fuqarolar yig'ini raisi Ikromjon Abduxolliqov. — Ushbu yig'ilishda “Vodil” va “Oq-qiya” postlariga xalqaro maqom berish masalasi ham ko'rib chiqilishi aytiladi. Bu yangiliklar qalbimizga zavq va shijoat bag'ishladi. Mahallamizdagi 60 dan ortiq uy mehmonxonasi, 30 dan ortiq dala hovlida sayyohlar uchun munosib shart-sharoitlar yaratilgan. Mahalla fuqarolar yig'ini hududidagi memorial muzeyda ta'mirlash ishlari bajarilmoqda. Bu yerda ko'ha qishloqning o'ziga xosligi hamda tarixini aks ettiruvchi konsepsiya ishlab chiqilib, zamonaviy kutubxona tashkil etiladi.

Ha, purviqor tog'lar bag'rida joylashgan Shohimardon qishlog'i o'ziga xos

ohanrabosi, tarovati bilan ajralib turadi. Ayni paytda “Hazrati Ali” ziyoratgohi hamda unga tutash hudud yanada obodonlashtirilyapti. Shuningdek, ko'chalarni kengaytirish, yoritqichlar o'rnatish, sayyohlar va ziyoratchilar uchun zarur infratuzilma yaratish bo'yicha ishlar jadal davom ettirilmoqda. Qishloq markazidagi istirohat bog'ini zamonaviy sayyohlik maskaniga aylantirish, bog' hududida amfiteatr qurish bo'yicha istiqbolli loyihalar ishlab chiqilgan.

— Fransiyaning “Montagne et Neige Développement (MND)” kompaniyasi Shohimardonga keluvchi sayyohlar uchun qulay shart-sharoit yaratishni ko'zda tutuvchi, arqon yo'li va osma ko'priklarni o'z ichiga

olgan ommaviy turizm maskani barpo etish loyihasini taklif qilmoqda, — deydi viloyat turizm boshqarmasi boshlig'i o'rinbosari Muzaffar Temirov. — Kompaniya hududiy direktori Orxan Shirin hamda mahalliy hamkorlar bu yerda o'tkazilgan o'rganishlar natijasida ishlab chiqilgan istiqbolli konsepsiyaning taqdim etdi. Loyiha 10 tadan kabinetga ega ikkita arqon yo'li, 1 ta qiya ko'targich, 1 ta osma ko'priq, attrakionlar va boshqa ko'plab qo'shimcha turistik infratuzilma obyektlarini o'z ichiga oladi. Tabiat bilan uyg'unlik bosh g'oya bo'lgan loyihada o'ilaiviy turizm imkoniyatlarini taqdim etishga ham alohida e'tibor qaratilgan.

So'lim tabiati, zilol suvi, toza havosi, to'rt tarafi tog'lardan iborat maftunkor bu qishloqning Oqsuv va Ko'ksuv soylari, mag'rur archazorlari dilingizga huzur bag'ishlaydi. Taningiz rohatlanadi, ruhingiz yengil tortadi, musaffo havodan to'yib-to'yib nafas olasiz. Shu bois, ko'ha qishloq asrlar davomida sayohat, ziyorat maskani sifatida insonlarni o'ziga chorlab keladi.

Muxtasar TOJIMAMATOVA, Rasuljon KAMOLOV, “Yangi O'zbekiston” muxbirlari